

flexuosa, fibrillosa; caulis solitarius erectus, simplex aut simpliciter ramosus, striatus, foliosus, superne corymbosus; folia oblonga, sinuato-dentata, obtusa, margine undulato-crispa, inferiora in petiolum attenuata, superiora et ramea sessilia vel subamplexicaulia; flores terminales corymbosi, aggregati, minuti; pedunculi flexuosi, multiflori pilisque glandulosis nigricantibus tomento intermixtis uti et calyces vestiti; squamae calycinae lineari-lanceolatae corollulas pallide sulphureas aequantes; receptaculum umbonatum, rugosum, villosum; semina oblonga, sulcata, glabra; pappus sessilis pilosus, deciduus, niveus.

Affinis videtur *A. dentatae* Smith prod. fl. gr., sed differt foliis sinuato-dentatis, undulato-crispis, floribus corymbosis aggregatis, pedunculis calycibusque tomentosis pilosoque-glandulosis.

HYPOCHAERIS.

132. HYPOCHAERIS glauca.

H. foliis radicalibus obovatis oblongisque, lyrato-incisis, glabriusculis, glaucis, scapo nudo subbifloro, calycibus hispidis, pappo omni stipitato.

Hieracium chondrilloides saxatile hirsuto folio dentato. Bonan. t. 137.

Hab. in fissuris rupium montium Scalamadaggio et Roccazzo di Marrapoggio Nebrodum in Sicilia. 4. fl. Jul.

Radix perennis, crassa, lignosa, subhorizontalis, nigricans, fibrillas multas emittens; folia radicalia oblonga et obovata, in petiolum attenuata, inciso-lyrata, lobo terminali majore dentato angulato, glauca; juniora utrinque pilis rufis rigidis hispida, aut in una pagina solum hispida, aut utrinque glabra, duos ad quatuor pollices longa; scapus erectus aut adscendens, angulatus, glaberimus, superne in ramos duos tresve divisus, aphyllus; pedunculi glabri uniflori, plerumque bracteola una squamaeformi a flore parum distante instructi; flores minores quam H. glabrae; calyces glauci, hispidi, calyculo laxiusculo; squamis setaceis, quibus calycis interioris linearibus; corollulae luteae; receptaculum paleaceum, paleis lanceolato-linearibus acutis seminum (sine pappo) longitudine; semina oblonga, sulcata, transversim tuberculata, ferruginea, nitida; pappus plumosus, omnis stipitatus.

Affinis habitu *Seriolae laevigatae* Desf., et icon plantam nostram xivide representat; sed differt genere. *Seriola Alliatae* Biv. a cl. Smith ad *S. laevigatam* relata ad *Hypochaerim* quoque referri debet ob calycem et pappum.